

法楹題詞

太尉劉子真。清潔有志操。行已以禮。而二子不才。並黷貨致罪。子真坐免官。客曰。子奚不訓導之。子真曰。吾之所行。是所聞見。不相祖習。豈復教誨之所變耶。謝安夫人教

兒問太傅郵得初不見君教兒答
曰我常自教兒宋王敬弘見兒孫
歲中不過一再相見見輒尅日未
嘗教子孫學問各隨所欲人或問
之荅曰丹朱不應乏教甯越不聞
被捶觀此則諄諄家誨不幾太煩

愚意無隱之教三三子不能得之
夫子過庭之訓不廢丁寧繇聞見
而祖習繇祖習而心行使人常知
所教丹朱甯越賢不肖相去終難
以語或人也取支子家訓讀而刪
之附以教家法楹共垂爲則展讀

者○得○其○意○迂○不○爲○漫○庸○而○味○轉○雋
永○也○曰○三○尺○之○童○聽○之○木○木○然○如
奉○令○甲○七○尺○丈○夫○聽○之○亦○恐○恐○焉
如○懼○淵○冰○也○愚○欲○手○書○千○幅○布○之
凡○有○家○者○置○楹○間○表○太○尉○太○傅○之
所○行○而○矯○敬○弘○之○過○不○知○亦○有○當

否

閔景賢識



國家圖書館, NATIONAL CENTRAL LIBRARY, TAIWAN, R.O.C.

治權是言

三

快書卷四十九

練江閔景賢士行纂

西湖何偉然仙臞訂

法楹

合刪

戒分折

別○藉○異○財○律○有○禁○矣○而○世○俗○競○尚○分○析○使○子○弟○
之○不○肖○者○得○以○恣○行○頗○僻○而○無○所○檢○而○才○者○亦○
不○得○施○政○於○家○兄○弟○叔○侄○幾○爲○路○人○而○男○女○臧

法
獲互相攻擊。其不胥而爲禽獸者鮮矣。同居之
益有三。一曰睦親。同堂聚首。朝夕無間。情義自
密。二曰保業。家門雲集。氣鬼雄壯。每事參酌。動
無悔尤。戶役公訟。統於一人。百務簡省。三曰防
奸。單夫隻妻。分門立戶。良人遠遊。家無應付。外
人易生窺伺。婦女亦易放恣。若一門共聚。男子
持家。彼此顧盼。奸宄自息。

立統紀

一家產業。貲財總造一冊。以次相傳。田若干。無
大故。不得輕售。米穀若干。器具若干。長子曰家
督。無所不統。其餘賦役者一人。衣食者一人。賓
嘉諸禮者一人。皆酌爲定制。歲考其成。稍有積
羨。卽進公庫。

擇學術

古人云。學猶殖也。不殖將落。子弟六歲以上。卽
使就學。隨其資稟。務加磨礪。以就素業。學成應

試守義安命。勿效假手。揆文納賄。掇第名。雖偶獲心。似穿窬。若學通告。今仕弗逢時。只務循理。勤學亦能自樹。其諸伎倆。勿得關涉。孟軻嘗言。術不可不慎。而諄諄於矢函巫匠之心術。今之術。莫不善於胥吏矣。胥吏之術。舞文挾詐。動干憲典。重則譴戍。輕則鬼薪。喪身辱先。莫此爲甚。次則包攬稅糧。詭寄田畝。皆干刑憲。所當深戒。若中人以下。只爲學究。山人猶可。厠迹儒流。不失故家風味。顏氏家訓。命子孫不得學醫。以其操術事人。隨時俯仰。無異市井。至於商賈。皆非雅道。况其下者乎。齊朝士夫。有教子學琵琶。伏事公卿者。大爲時所訕笑。凡音樂星命。皆可戒絕。勿令習之。

嚴家範

婦人不得預家政。出納財幣。與男子接語。不特內外窺窬。易生滯僻。而牝鷄司晨。多至敗亾。

妯娌異姓相聚一門計短較長量財評勢益以長舌婢婦交鬪其間最多嫌怨丈夫入其浸潤久而不察骨肉爲讐蓋婦人奸佞善讒往往借公義以行私忿乘小隙以構深禍恃枕席以肆其詞雖智者亦難猝悟鄭義門家法每至夜分令老僕於各巷大呼云丈夫勿聽婦人言婦人不許說家事五更復如之此可爲訓

訟師利口誘人鬪鬪籠取人財家道立敗但當事事認理守法脫有青灾天亦見原何至倚刁筆以取捷也

優伶裸技不惟蠱惑心志亦多玷污家風萬一無已之宴款亦須閉宅張筵以防淫媾

江東風俗婦女每遇節序入寺焚香艷粧游衍或造請弔慶車乘填街與倚市門者何異

崇儉素

吾自入仕以來囊無中人之資而五禮三事以

時舉行。若有餘者。惟其儉耳。食不兼味。衣不重帛。器無奇巧。日以聖賢法言懿行潤飾吾身。而世俗之浮豔。一無所染焉。人不讀書。則識陋量小。紛華靡麗。舉亂其中。終日營營。飾人耳目。不惟志氣日卑。而家道亦索矣。子孫但多讀書。廣識見。而崇儉素。以裨身。斯保家之主也。

端仕進

子孫能自奮勵。致身青雲。宗祊所藉。匪輕必宜。

豐其資給。使無內顧。以遂其廉。仍不得貪冒。賊賊。負國辱親。有犯此者。衆共排之。爲諸生。豈燈窻辛勤。飲食稍益。以肉。歲衣量加。綉葛。

安貧賤

夫情欲無涯。而分有涯。聲利難必。而德可必。天道惡盈。鬼神害盈。况橫目之民哉。家世書生。無百金之蓄。衣僅禦寒。食僅充饑。屋廬僅蔽風雨。仕官僅免繇隸。婚娶勿貪富貴。奴婢才足使令。

法相 卷四十九 五
常守清白家風。自有意趣。眼見近世大家。且誇
門市夕已。張羅昨侈。輕肥今成。餓莩者何啻一
二。由其嗜賚。而不知賤倚。富而闇於貧也。

習禮儀

江南風俗。男女始生日。爲晬盤。以試智慧。親友
聚飲。慶生之禮。所由起也。人子生日。父母在堂。
舞斑爲樂。自是佳事。近來無學之徒。旣遭孤露。
猶聚賓酣暢。略無哀感。梁武元少年誕辰。常設

齋講。自阮修容歿后。此事遂絕。良可爲訓。
禮云。忌日不樂。又曰。君子有終身之喪。忌日之
謂也。魏王仕修母以社日。自後鄉里爲之罷
社。人子遇此。須感愴哀思。祭奠。茹素衣白。不預
宴。不聞樂。不出游。

古者名以正體。字以表德。名終則諱。字以爲孫。
氏王元之兄弟。其父名雲。字羅漢。遂併諱之。及
諱嫌名者。似爲太過。但高曾王父及父母之名。

法相 卷四十九
必不可不諱禮云見似目瞿聞名心瞿矧敢目
犯

父母有疾迎醫雖少且賤必再拜而求之梁奉
元不豫世子方躬拜叅軍李猷此足爲法

敦友誼

賓客至門茶款必須周洽匪惟盡禮亦以弭怨
毋容閹人謾拒有犯此者對賓朴戒其交結朋
友呼爲兄弟必志孚義確終始如一方可定交

自後命子拜伏侍側呼爲伯叔今人邂逅卽定
昆季反眼遂同陌路浮薄殊可惋恨然吾人自
處務敦厚雅若人情反覆但可自咎勿以相尤
庶免險薄下石吾所身履故以爲訓

習百忍

張公藝九世同居唐高宗問其所由乃書忍字
百餘以進真涉世之名言哉文士不務修省妄
爲掊擊胡其諄也夫一家之中長幼異等習性

不齊能無間言。若一一較量。反唇相稽。是不可
磯也。必常持忍字。方可相容。如甚不仁之人。跳
跟吼响。我平心下氣。安詞曲論。或有惡言。付之
罔聞。彼雖猛厲。能無少戢。忍至百餘。則無不可
處之人矣。故家訓以百忍爲先。

裴度嘗訓其子云。凡吾輩。但可令文種無絕。然
其間能有成功。致身萬乘之相。則天也。黃山谷
云。四民皆坐世業。士大夫子弟。能知忠信。孝友。

斯可矣。然不可令讀書種斷絕。有才氣者。出便
當名世。

賀若弼。父敦爲宇文護所忌。臨刑謂弼曰。吾以
舌歿。汝不可不思。因引錐刺弼舌。血出。誠其慎
口。後弼事隋。亦以舌歿。故賀若敦之刺舌不及
磨甃。堅之緘口。

張湯爲父。而有張安世之子。劉歆爲子。而有劉
更生之父。許敬宗爲祖。而有許遠之孫。韓侂胄

爲孫而有韓琦之祖信賢否不係乎世類也。故父祖之賢者子孫當思克紹前烈。父祖之不賢者子孫當思克蓋前愆。

劉向精忠譏切王氏專權自恣之咎。而子歆爲莽太師信讖誅歿。盧懷慎冰玉自珍重。以盧奕仗節歿義立萬世之大經。一傳盧杞奸邪傾國。稱藍面鬼。蘇子瞻文章氣節洞視千古。蘇過其子也。父事梁師成爲其妻持服。朱晦庵學集大

成百代儒宗。朱浚其曾孫也。諂附賈似道稱某萬拜覆。然則父祖淑慎立德爲不肖子孫敗壞。寧獨房杜哉。彼子孫不知何面目見祖父於地下也。

王溥一十六歲狀元及第。二十二拜相。四十二加一品服。罷歸班行。猶在具慶下。每先太傅見客。溥以宰相侍側。畧無惰容。坐客皆不安席。引去甚衆。陳省華以太卿居家。其子堯叟參樞密。

堯咨掌制誥。堯佐至丞相。每朝退。端服夾侍。賓至則奉茗酪焉。竇儀尚書家法。整肅。每對坐客。卽二侍郎三起居四叅政五補闕。皆侍立左右。牛弘性友愛。弟弼好酒。嘗射殺駕車牛。弘歸妻。迎謂曰。叔射殺牛。荅曰。作脯坐定。妻又曰。叔殺牛。大是異事。弘曰。已知之矣。顏色自若。人皆如弘不聽妻言。豈有闔牆之隙。

狄仁傑爲并州法曹。與同僚鄧崇質友善。崇質當使絕域。母年老且病。仁傑曰。彼母如此。豈可使之有萬里之憂。因詣長史薦仁基請代之行。仁基素重仁傑。爲聞於上。有詔免其行。同輩聞之。咸義重焉。劉夢得遠貶播州。柳子厚曰。播州非人所居。夢得親在堂。吾不忍其窮。願以柳易播。劉遂得改。嗟乎。今士人結交。止水爲信。以矢金石。一但臨利害輒變。甚或擠而排之。聞三賢之風。不亦汗顏。

海樓
紹興間。有代北人。徇中尉者。從襄漢來。時楊和
王爲殿前帥。衛以曩在行伍。曾結義爲兄弟。往
投之。楊一見。驩如平生。且令夫人出拜。復招飲
於堂。款曲殷勤。而不問其所向。兩日後。忽浸疎。
之。來則見於外室。衛以楊方得路。志在一官。故
不憚間關。赴之。至是大失望。栖泊過半年。疑爲
人嫉。譖乃告辭。又不得通。或教使伺其入朝。因
遮道陳狀。楊亦畧不與語。判狀尾云。執就常州。

於本府某庄內。支錢一百貫。衛愈不樂。念已無
可柰何。倘得錢。尚可治歸裝。而一身何由訪楊
庄。止。芻皇旅邸。遇一客。自稱程副將。謂曰。無庸
憂。吾往常州。當陪君往取。相從累日。因曰。吾實
欲遊中原。君能偕往否。衛欣然許之。抵長安。入
河東。以至代。倩衛買田。我欲作一窟於此。衛使
牙儈爲尋。置得膏腴千畝。曰。此行盡出楊相公
處分。初。慮公貪小利。輕捨鄉里。當今兵革不用。

非○展○奮○功○名○之○秋○故○遣○我○追○隨○爲○辦○生○計○所○買
良○田○已○悉○作○衛○氏○名○敬○以○相○付○悉○取○契○券○與○之
厥○值○萬○緡○此○事○甚○類○蘇○秦○舍○人○之○資○給○張○儀
補○衡○年○未○滿○二○十○而○交○孔○融○融○已○五○十○餘○鄭○當
時○年○最○少○其○所○交○皆○大○父○行○天○下○名○士○王○戎○少
阮○藉○二○十○歲○而○藉○與○之○交○山○濤○與○嵇○康○等○竹○林
之○交○齒○亦○相○遠○此○諸○子○蓋○忘○年○交○也○韓○億○與○李
若○谷○未○第○時○俱○貧○同○赴○京○試○更○相○爲○僕○李○先○第

授○官○長○社○縣○李○自○控○妻○驢○韓○隨○之○爲○負○一○箱○送
至○縣○界○泣○別○韓○後○第○並○登○大○位○此○貧○賤○交○也○朱
暉○與○張○堪○爲○友○堪○疾○甚○把○暉○臂○以○妻○子○相○托○堪
卒○暉○知○其○妻○子○貧○厚○賑○給○之○曰○堪○有○知○已○之○言
吾○當○心○識○之○此○歿○生○交○也

陶○淵○明○爲○彭○澤○令○不○以○家○累○自○隨○遣○一○力○給○其
子○因○遺○書○曰○汝○旦○夕○之○費○自○給○爲○難○因○遣○此○力
助○汝○薪○水○此○亦○人○子○也○可○善○遇○之

許魯齋在中書。命牙僧僱一僕役。特選能應對。閑禮節者。進。却之曰。止欲老實耳。他日領一蓬首垢面愚騃之人來。遂用之。僧問其故。許曰。諺云。馬騎上等馬。牛用中等牛。人使下等人。馬上等能致遠。牛中等則馴善。人下等易訓使。若聰明過我。則吾反爲所使矣。

經云。一切畏刀杖。無不愛壽命。故王克殺羊。羊奔客拜訴。鄒文丘殺鹿。鹿跪而流淚。驚禽投案。

請命於魏君。窮獸入廬。求生於釋氏。沈遇內翰。厨中殺羊。屢失其刀。窺之。乃見羊啣刀藏之。墻下。周愈學士。鍋內煮鱖。鞠身避湯。剖之。見腹有子。而避湯愛護。其情如此。蓋當其被擒執時。前見刀杖。欲生無由。苟見親聚。欲戀不得。抱苦就終。銜悲向盡。旣受屠割。復入鼎鑊。種種痛苦。徹入骨髓。諦觀物情。當念衆生。不可不戒。于定國治獄多陰。隱而知其子孫必興。孫叔敖

有埋蛇之陰德。而母知其必貴。所謂積陰德者。時時有救濟愛物之心。刻刻無害物之意。救人之患難。解人之讐怨。濟人之貧困。不成人之惡。不幸人之過。不談人之短。不喪人之善。凡若此類。皆陰德也。

布施有四。一曰財施者。以財惠人。二曰法施者。以善教人。三曰無畏施者。謂人於衆生當恐懼時。吾安慰之。教以脫離恐懼。四曰心施者。雖不能濟物。常存濟物之心。是也。一言一話。必期有益。一動一止。必欲無傷。種種方便利物。皆爲布施。